

karakter plaće ("Službene novine Kantona Sarajevo", broj 47/19),  
direktor Zavoda za planiranje razvoja Kantona Sarajevo donosi

**PRAVILNIK  
O IZMJENAMA I DOPUNAMA PRAVILNIKA O  
PLAĆAMA I NAKNADAMA KOJE NEMAJU  
KARAKTER PLAĆE ZAVODA ZA PLANIRANJE  
RAZVOJA KANTONA SARAJEVO**

Član 1.

U članu 16. Pravilnika, mijenja se naslov i glasi:

" (Naknada za slučaj povrede na radu, teške bolesti i teške invalidnosti)", a u stavu (1), u prvom redu, ispred riječi "invalidnosti", dodaje se riječ "teške".

Član 2.

Ovaj Pravilnik stupa na snagu sa danom donošenja, od kada se i primjenjuje, a biće objavljen na službenoj stranici Zavoda za planiranje razvoja Kantona Sarajevo i u "Službenim novinama Kantona Sarajevo".

Broj 07-02-4971/22

15. novembra 2022. godine  
Sarajevo

Direktor

**Faruk Muharemović, s. r.**

**STRUČNA SLUŽBA ZA ZAJEDNIČKE POSLOVE  
KANTONA SARAJEVO**

Na osnovu člana 66. stav (2) i člana 68. stav (1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 35. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), načelnik Stručne službe za zajedničke poslove Kantona Sarajevo, donosi

**PRAVILNIK  
O POSTUPKU INTERNOG PRIJAVLJIVANJA  
KORUPCIJE**

Član 1.

(Predmet)

Ovim Pravilnikom se bliže razrađuju odredbe Zakona o prevenciji i suzbijanju korupcije u Kantonu Sarajevo (u daljem tekstu: Zakon) u vezi internog prijavljivanja korupcije, te bliže uređuje postupak internog prijavljivanja korupcije u Stručnoj službi za zajedničke poslove Kantona Sarajevo (u daljem tekstu: Stručna služba).

Član 2.

(Pojam internog prijavljivanja)

Interno prijavljivanje postoji kada prijavitelj podnosi prijavu iz koje proizilazi sumnja da je u Stručnoj službi izvršena korupcija.

Član 3.

(Način prijavljivanja korupcije)

- (1) Interno prijavljivanje korupcije se vrši podnošenjem prijave odgovornom licu Stručne službe ili ovlaštenom licu Stručne službe, na jedan od načina propisanih članom 26. stav (2) Zakona ili na način propisan članom 32. Zakona.
- (2) Odgovorno lice u kontekstu odredbi ovog Pravilnika je načelnik Stručne službe (u daljem tekstu: odgovorno lice).
- (3) Ovlašteno lice u kontekstu odredbi ovog Pravilnika je jedan ili više zaposlenika Stručne službe koje načelnik Stručne službe odredi za prijem i postupanje po prijavama korupcije (u daljem tekstu: ovlašteno lice).
- (4) Kutija/sanduče za interno prijavljivanje korupcije nalazi se na vidnom mjestu u centralnom objektu Vlade Kantona Sarajevo, sa jasnom naznakom: "ZA PRIJAVU KORUPCIJE".

Član 4.

(Obaveza evidentiranja prijave)

- (1) Sve zaprimljene prijave se evidentiraju u internu knjigu ulazne pošte i elektronski registar prijava.
- (2) Zaprimljene prijave i prateća ulazno/izlazna dokumentacija se čuvaju u odgovarajućim registratorima i ormarima u sredenom stanju, s ciljem zaštite od neovlaštenog pristupa, oštećenja, uništenja ili nestanka, te se istovremeno skeniraju i pohranjuju u elektronski registar prijava (u elektronskom obliku).

Član 5.

(Preliminarno razmatranje prijave)

- (1) Nakon prijema prijave odgovorno lice ili ovlašteno lice Stručne službe dužno je utvrditi da li prijava ispunjava uslove propisane odredbom člana 28. stav (1) Zakona.
- (2) Ukoliko prijava ne ispunjava uslove propisane odredbom člana 28. stav (1) Zakona, ovlašteno lice obavijestiti će prijavitelja, čiji mu je identitet poznat, da u roku sedam dana od dana prijema obavijesti prijavu dopuni.
- (3) Ukoliko prijavitelj ne postupi u skladu sa stavom (2) ovog člana, smatrat će se da je odustao od prijave i ovlašteno lice nije dužno postupiti po navedenoj prijavi.
- (4) Ovlašteno lice dužno je postupati i po anonimnim prijavama koje sadrže sve podatke propisane odredbom člana 28. stav (1) tač. b) i c) Zakona.

Član 6.

(Radnje nakon zaprimanja prijave)

- (1) Nakon što utvrdi da prijava korupcije sadrži sve zakonom propisane elemente, odgovorno lice ili ovlašteno lice dužno je:
  - a) postupiti po prijavi bez odlaganja, a najkasnije u roku od 30 dana od dana prijema prijave;
  - b) osigurati zaštitu ličnih podataka i anonimnost prijavitelja;
  - c) poduzeti mjere i aktivnosti kojima će se spriječiti ili otkloniti nastupanje štetne radnje;
  - d) osigurati zaštitu i ostvarivanje prava prijavitelja;
  - e) poduzeti mjere na utvrđivanju disciplinske i materijalne odgovornosti lica koje je izvršilo korupciju;
  - f) obavijestiti prijavitelja o mjerama i aktivnostima poduzetim po podnesenoj prijavi, u roku od 30 dana od dana podnošenja prijave;
  - g) dostaviti prijavitelju odluku o ishodu postupka po podnesenoj prijavi korupcije, u roku od osam dana od dana okončanja postupka po prijavi;
  - h) prijavu, u roku pet dana od dana prijema, prosljediti organu ovlaštenom za inspekcijски nadzor, ukoliko sumnja da prijava ukazuje na izvršenje prekršaja;
  - i) prijavu, u roku pet dana od dana prijema, prosljediti nadležnom tužilaštvu ili drugom organu, ukoliko prijava ukazuje na izvršenje krivičnog djela.
- (2) Postupanje po prijavi iz stava (1) tačka a) ovog člana podrazumijeva provođenje postupka provjere s ciljem utvrđivanja osnovanosti navoda iz zaprimljene prijave, u toku kojeg se vrši uvid u relevantne podatke i dokumentaciju sa kojima raspolaze Stručna služba, kao i pribavljanje pismenog izjašnjenja od zaposlenika Stručne službe.

Član 7.

(Stupanje na snagu)

- (1) Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 1.1.2023. godine.

(2) Ovaj Pravilnik će biti objavljen i na službenoj web stranici.

Broj 17-02-42790/22  
14. oktobra 2022. godine  
Sarajevo

Načelnik  
**Fikret Jašarević**, s. r.

## FEDERALNI ZAVOD ZA STATISTIKU

### SAOPĆENJE O PROSJEČNOJ ISPLAĆENOJ MJESEČNOJ NETO PLAĆI ZAPOSLENIH U KANTONU SARAJEVO ZA SEPTEMBAR 2022. GODINE

1. Prosječna isplaćena mjesečna neto plaća po zaposlenom ostvarena u Kantonu Sarajevo za septembar 2022. godine iznosi 1.429 KM.

Broj 46  
16. novembra 2022. godine

Direktor  
Doc. dr. **Emir Kremić**, s. r.

### PRIOPĆENJE O PROSJEČNOJ ISPLAĆENOJ MJESEČNOJ NETO PLAĆI UPOSLENIH U KANTONU SARAJEVO ZA RUJAN 2022. GODINE

1. Prosječna isplaćena mjesečna neto plaća po uposlenom ostvarena u Kantonu Sarajevo za rujan 2022. godine iznosi 1.429 KM.

Broj 46  
16. studenoga 2022. godine

Ravnatelj  
Doc. dr. **Emir Kremić**, v. r.

### SAOPŠTEŃE O PROSJEČNOJ ISPLAĆENOJ MJESEČNOJ NETO PLATI ZAPOSLENIH U KANTONU SARAJEVO ZA SEPTEMBAR 2022. GODINE

1. Просјечна исплаћена мјесечна нето плата по запосленом остварена у Кантону Сарајево за септембар 2022. године износи 1.429 КМ.

Broj 46  
16. новембра 2022. године

Директор  
Доц. др. **Емир Кремич**, с. р.

## USTAVNI SUD FEDERACIJE BOSNE I HERCEGOVINE

Ustavni sud Federacije Bosne i Hercegovine, odlučujući o zahtjevu načelnika opština: Centar Sarajevo, Novo Sarajevo i Ilidža, za zaštitu prava na lokalnu samoupravu u vezi sa primjenom Zakona o izmjeni Zakona o pripadnosti javnih prihoda u Federaciji Bosne i Hercegovine, na osnovu člana IV.C.3.10. (3) Ustava Federacije Bosne i Hercegovine, a u vezi sa Amandmanom XCVI na Ustav Federacije Bosne i Hercegovine, na sjednici bez javne rasprave održanoj dana 26.10.2022. godine, donio je sljedeću

### PRESUDU

Utvrđuje se da Zakonom o izmjeni Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj 17/22), nije povrijeđeno pravo na lokalnu samoupravu opština: Centar Sarajevo, Novo Sarajevo i Ilidža.

Presudu objaviti u "Službenim novinama Federacije BiH" i "Službenim novinama Kantona Sarajevo".

## Образложење

### 1. Podnosioci zahtjeva i predmet zahtjeva

Načelnici opština: Centar Sarajevo, Novo Sarajevo i Ilidža (u daljem tekstu: podnosioci zahtjeva) podnijeli su Ustavnom sudu Federacije Bosne i Hercegovine (u daljem tekstu: Ustavni sud Federacije) dana 06.04.2022. godine zahtjev za zaštitu prava na lokalnu samoupravu u vezi sa primjenom Zakona o izmjeni Zakona o pripadnosti javnih prihoda u Federaciji Bosne i Hercegovine (u daljem tekstu: osporeni Zakon).

Podnosioci zahtjeva su ovom sudu dana 11.04.2022. godine podnijeli i zahtjev za donošenje rješenja o privremenoj mjeri do donošenja konačne odluke.

U skladu sa Amandmanom XCVI na Ustav Federacije Bosne i Hercegovine, podnosioci zahtjeva su ovlašteni za pokretanje postupka za zaštitu prava na lokalnu samoupravu pred Ustavnim sudom Federacije.

### 2. Stranke u postupku

Stranke u postupku u ovom ustavnosudskom predmetu na osnovu Amandmana XCVI na Ustav Federacije Bosne i Hercegovine su: podnosioci zahtjeva i Parlament Federacije Bosne i Hercegovine, kao donosilac osporenog Zakona.

### 3. Bitni navodi podnosilaca zahtjeva

Podnosioci zahtjeva u uvodnom dijelu zahtjeva navode da osporeni Zakon sadrži samo dva člana, da je članom 1. osporenog Zakona izvršena izmjena člana 9. stav 2. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br.: 22/06, 43/08, 22/09, 35/14 i 94/15, u daljem tekstu: Zakon), dok su članom 2. Zakona propisane prijelazne odredbe. Navode da je koeficijent Kantona Sarajevo prije nego što je osporeni Zakon stupio na snagu iznosio 1,9658, dok je isti prije izmjena Zakona iz 2015. godine iznosio 2.

Pozivaju se na odredbe člana 4. stav 6. Evropske povelje o lokalnoj samoupravi (u daljem tekstu: Evropska povelja), član 11., član 34. stav 4. i član 56. Zakona o principima lokalne samouprave u Federaciji Bosne i Hercegovine ("Službene novine Federacije BiH", br.: 49/06 i 51/09, u daljem tekstu: Zakon o principima lokalne samouprave), kao i na čl. 15. i 36. Ustava Kantona Sarajevo ("Službene novine Kantona Sarajevo", br.: 1/96, 2/96, 3/96, 16/97, 14/00, 4/01, 28/04, 6/13 i 31/17).

Navode da jedinice lokalne samouprave u postupku donošenja osporenog Zakona nisu konsultovane niti lično, niti putem Saveza opština i gradova Federacije Bosne i Hercegovine (u daljem tekstu: Savez opština i gradova), a što i proizilazi iz dopisa Saveza opština i gradova koji je priložen uz predmetni zahtjev, broj 254/22 od 04.04.2022. godine. Također navode da ni Komisija za lokalnu samoupravu Predstavničkog doma Parlamenta Federacije Bosne i Hercegovine nije razmatrala Prijedlog osporenog Zakona.

Prilikom donošenja osporenog Zakona zanemarena je činjenica da su opštine kao jedinice lokalne samouprave u uskoj vezi sa Kantom Sarajevo u pogledu djelatnosti koje su prenesene u nadležnost opština, odnosno koje vrše zajedno (npr. usluge javnog prijevoza, vodovod, kanalizacija, čistoća i sl.). Naglašavaju da je odnos Kantona Sarajevo i opština kao jedinica lokalne samouprave specifičan obzirom na postojanje zajedničke komunalne infrastrukture i drugih nadležnosti koje Kanton Sarajevo obavlja i finansira, a iste ujedno spadaju i u nadležnosti jedinica lokalne samouprave. Slijedom navedenog finansijska stabilnost Kantona Sarajevo automatski se odražava i na opštine.

Podsjećaju da je Vlada Federacije Bosne i Hercegovine dana 11.03.2021. godine dala Mišljenje V. broj 424/21 na Prijedlog osporenog Zakona. U tom Mišljenju je navedeno da "predložena izmjena propisa direktno utječe na budžet Kantona